

ԹԱՆԿԱԳԻՆ ԱՆԱՍՏԱՍ ԻՎԱՆՆՎԻԶ.

Այսօր մեզ մոտ՝ Հայաստանում բերկրալից տուն է: Հայաստանում Սովետական իշխանությունն հաստատվելու 23-րդ տարեդարձը գուգադիպեց Հայկական ՍՍՏ Գիտությունների Ակադեմիայի բացման օրվան:

Հայկական Սովետական Սոցիալիստական Ռեսպուբլիկայի Գիտությունների Ակադեմիայի անդամներն և նրա բացմանը նվիրված անդրանիկ հանդիսավոր նիստի բոլոր մասնակիցներն հղում ենք Ձեզ՝ Սովետական հզոր պետության նշանավոր գործչիդ, մեր սիրելի առաջնորդ մեծ Ստալինի մերձավոր զինակցիդ ջերմագին, բոցավառ ողջունք:

Այս օրերին, երբ ամբողջ սովետական ժողովուրդը հրնվում է վառապանձ կարմիր Բանակի փայլուն հաղթանակներով, երբ հայ ժողովուրդը տոնում է իր ազատագրության բերկրալից տունը՝ Հայաստանում Սովետական կարգերի հաստատման 23-րդ տարեդարձը, Սովետական կառավարության որոշմամբ հիմնվեց Հայկական Սովետական Սոցիալիստական Ռեսպուբլիկայի Գիտությունների Ակադեմիան, մեր կուլտուրայի և գիտության հզոր օջախը:

Ձեր նշգրիտ գնահատությանը՝ երբեմնի Հայաստանը, որը «որբերի երկիր էր, արցունքի երկիր, աղֆատության ու վայրենի կամայնկանության երկիր», շնորհիվ Սովետական կառավարության հոգատարության, շնորհիվ Լենինի-Ստալինի պարտիայի ազգային իմաստուն ֆաղափականության, այժմ դարձել է մեծ Սովետական Միության առաջավոր ռեսպուբլիկաներից մեկը, զարգացած ու ծաղկած իր տնտեսությամբ, իր կուլտուրայով, իր գիտությամբ:

Մեր սիրելի Անաստաս Իվանովիչ:

Ձեր անձնական օրինակը՝ պատանեկությունից հարազատ ժողովրդին, մեր մեծ սովետական ժողովրդին Ձեր մատուցած անձնագուհ ծառայությունը, Ձեր բոցավառ հայրենասիրությունը, հիանալի գործունեությունը, մանավանդ հայրենական պատերազմի օրերին Ձեր անսահման նվիրվածությունն ու հավատարմությունը բոլշևիկների մեծ պարտիային և նրա հաննարեղ առաջնորդ ընկեր Ստալինին, անսահմանորեն ոգևորում և աշխատանքային ու մարտական մեծագույն սխրագործությունների են մղում մեզ բոլորիս, — գիտության և կուլտուրայի աշխատողներին, ամբողջ սովետական հայ ինտելիգենցիային, ռազմականատի և քիկուլնի բոլոր մարտիկներին:

Մենք երջանիկ ենք Ձեզ հաղորդելու, մեր հարազատ Անաստաս Իվանովիչ, որ մոխիրների միջից վերածնված հայ կուլտուրան, արվեստն ու գիտությունը, Սովետական իշխանության շրջանում և հատկապես վերջին տարիների ընթացքում, անցան անմահ և զարգացման աննախընթաց ուղի:

Անեցին և ամրապնդվեցին ինտելիգենցիայի բազմաթիվ կադրեր: Ավագ սերնդին պատկանող ալեհեր գիտնականների կողքին ծնունդ առավ երիտասարդ, տաղանդավոր գիտնականների մի սերունդ:

Մենք անհուն սիրով ու նվիրվածությամբ համախմբված ենք բոլշևիկների մեծ պարտիայի շուրջը, հայ ժողովրդի համար երջանիկ կյանք ստեղծած մեր ուսուցիչ ու առաջնորդ մեծ Ստալինի շուրջը: Հայաստանի ինտելիգենցիան իր անձնակեր, ստեղծագործ աշխատանքով ծառայում է իր Սովետական հայրենիքին, առաջ է մղում մեր ժողովրդի կուլտուրան ու գիտությունը, որոնց զարգացման ու բարգավաճման գործում

Ինչ, սիրելի Անաստաս Իվանովիչ անգնահատելի դեր էք կատարել և կատարում:

Մեր Գիտությունների Ակադեմիան ստեղծվեց գերմանա-ֆաշիստական զավթիչների դեմ մղվող հայրենական դաժան պատերազմի պայմաններում, ուստի մենք խորապես գիտակցում ենք, որ մեր առաջին և սրբազան պարտն է՝ մեր ժողովրդի հետ միասին, սովետական եղբայրակից մյուս ռեսպուբլիկաների ու ժողովուրդների հետ միասին, ուստի մեծ ժողովրդի գլխավորությամբ, մեր բոլոր ուժերն էլ սպաս դնել հիսլերյան բարբարոսների դեմ պայքարելու և այդ պայքարը հաղթանակով լախնանին հասցնելու գործին, նշանաբան ընդունելով մեծ Ստալինի ցուցումը՝ ամեն ինչ ռազմականատի կամար, ամեն ինչ հաղթանակի համար:

Մեր հարազատ Անաստաս Իվանովիչ, մեր ժողովրդի համար այս պատմական անմոռաց օրը՝ ոգևորված սովետական ինտելիգենցիային ընկեր Ստալինի տված բարձր գնահատականով, ուժերն ու եռանդն է՛լ ավելի լարելու նրա կոչով, խոստանում ենք Ձեզ, Հայկական Սովետական Սոցիալիստական Ռեսպուբլիկայի նորաստեղծ Գիտությունների Ակադեմիան դարձնել սովետական առաջավոր գիտության կենտրոն, բարձրորակ գիտական նոր կադրերի պատրաստման դարբնոց:

Մեր գործունեության մեջ մենք միշտ կեիշենք և կիրականացնենք Ձեր խորհուրդները՝ պահանջելու լինել մեր հանդեպ, չիրապուրվել և չհանձնատանալ ձեռք բերված հաջողությամբ, միշտ առաջ նայել, համարձակ խիզախել, օր ավուր համատարեն առաջ մղելով գործը, ամրապնդել ձեռք բերվածը, ձգտել նոր հաջողությունների:

Թանկագին Անաստաս Իվանովիչ. վստահ եղեք, որ մենք ունենք բավականաչափ ուժ և հաստատ կամք և վերականգնություն՝ պատվով կատարելու մեր Ակադեմիայի առաջ դրված բոլոր խնդիրները:

Խոստանում ենք Ձեզ, մեր սիրելի ընկեր Միկոյան, մեր բոլոր ուժերը, մեր գիտությունը և ընդունակությունները, մեր ամբողջ ջանքն ու եռանդը գործադրել է՛լ ավելի առաջ մղելու ձեզ ավագային, բովանդակությամբ սոցիալիստական մեր կուլտուրան:

Մենք կաշխատենք կրկնապատիկ եռանդով, որպեսզի օգնենք մեր հարազատ կարմիր Բանակին՝ արագացնելու անարգ քշմամբ ջախջախումը:

Անդուլ աշխատանքով, գիտական նորանոր հայտնագործություններով և դրանք արմատացնելով արտադրության մեջ, կնպաստենք է՛լ ավելի զարգացնելու մեր երկրի ժողովրդական տնտեսությունը և է՛լ ավելի ամրապնդելու հերոսական կարմիր Բանակի ռազմական հզորությունը՝ հանուն յուսավորության ու պրոգրեսի հաղթանակի, հանուն սովետական ժողովրդի փառքի, հանուն գերմանա-ֆաշիստական զավթիչների վերջնական ջախջախման:

- Կեցցե՛ սովետական առաջավոր ժողովրդական գիտությունը:
- Կեցցե՛ մեծ Ստալինի հավատարիմ և մարտական զինակից, Սոցիալիստական Աշխատանքի Հերոս ընկեր ՄԻԿՈՅԱՆԸ:
- Կեցցե՛ Սովետական զինված ուժերը ոգեշնչող ու կազմակերպող, Գերագույն Գլխավոր Հրամանատար, մեր ժամանակների մեծագույն գորավար, առաջավոր գիտության կորիֆեյ ընկեր ՄՍԱԼԻՆԸ: